



資治通鑑 邊少数民族史料匯編


王世威 編



北京圖書館出版社

責任編輯：殷夢霞

封面設計：紅 焰



第十六卷

西 秦

——鮮卑——

公元 329 年 ~ 公元 431 年

“西秦，十六國之一。淝水之戰後，隴西鮮卑貴族乞伏國仁於公元 385 年稱大單于。其弟乾歸稱河南王，又改稱秦王，都苑川（今甘肅榆中北），史稱西秦。有今甘肅西南部。400 年降後秦，409 年復國。431 年為夏所滅。”（《辭海》）

公元 329 年（東晉成帝咸和四年）初，隴西鮮卑乞伏述延居於苑川，侵并鄰部，士馬強盛。及趙亡，述延懼，遷於麥田。述延卒，子儻大寒立；儻大寒卒；子司繁立。 九十四/2971 ~ 2972

公元 371 年（東晉簡文帝咸安元年）是歲，（前）秦益州刺史王統攻隴西鮮卑乞伏司繁於度堅山，司繁帥騎三萬拒統於苑川。統潛襲度堅山，司繁部落五萬餘皆降於統；其衆聞妻子已降秦，不戰而潰。司繁無所歸，亦詣統降。秦王堅以司繁爲南單于，留之長安；以司繁從叔吐雷爲勇士護軍，撫其部衆。 一百三/3254 ~ 3255

公元 373 年（東晉孝武帝寧康元年）是歲，鮮卑勃寒寇掠隴右，（前）秦王堅使乞伏司繁討之。勃寒請降，遂使司繁鎮勇士川。 一百三/3266

公元 376 年（東晉孝武帝太元元年）是歲，乞伏司繁卒，子國仁立。 一百四/3281

公元 383 年（東晉孝武帝太元八年）（前）秦王堅之人寇（晉）也，以乞伏國仁爲前將軍，領先鋒騎。會國仁叔父步頽反於隴西，堅遣國仁還討之。步頽聞之，大喜，迎國仁於路。國仁置酒，大言曰：“苻氏疲民逞兵，殆將亡矣，吾當與諸君共建一方之業。”及堅敗，國仁遂迫脅諸部，有不從者，擊而併之，衆至十餘萬。 一百五/3317

公元 385 年（東晉孝武帝太元十年）九月，乞伏國仁自稱大都督、大將軍、單于，領秦、河二州牧，改元建義，以乙旌童瑒爲左相，屋引出支爲右相，獨孤匹蹄爲左輔，武群勇士爲右輔，弟乾歸爲上將軍，分其地置武城等十二郡，築勇士城而都之。 一百六/3354

公元 386 年（東晉孝武帝太元十一年）（正月）南安祕宜帥羌、胡五萬餘人攻乞伏國仁，國

仁將兵五千逆擊，大破之。宜奔還南安。

一百六/3358

七月，祕宜與莫侯悌眷帥其衆三萬餘戶降於乞伏國仁，國仁拜宜東秦州刺史，悌眷梁州刺史。

一百六/3367

公元 387 年(東晉孝武帝太元十二年)三月，(前)秦主登以……乞伏國仁爲大將軍、大單于、苑川王。

一百七/3376

苑川王國仁帥騎三萬襲鮮卑大人密貴、裕苟、提倫三部於六泉。秋，七月，與没弈干、金熙戰於渴渾川。没弈干、金熙大敗，三部皆降。

一百七/3378

公元 388 年(東晉孝武帝太元十三年)(四月)苑川王國仁破鮮卑越質叱黎於平襄，獲其子詰歸。

一百七/3383

六月，苑川王乞伏國仁卒，謚曰宣烈，廟號烈祖。其子公府尚幼，群下推國仁弟乾歸爲大都督、大將軍、大單于、河南王，大赦，改元太初。

一百七/3384

(七月)河南王乾歸立其妻邊氏爲王后；置百官，仿漢制，以南川侯出連乞都爲丞相，梁州刺史悌眷爲御史大夫，金城邊芮爲左長史，東秦州刺史祕宜爲右長史，武始翟勍爲左司馬，略陽王松壽爲主簿，從弟軻彈爲梁州牧，弟益州爲秦州牧，屈眷爲河州牧。

一百七/3384 ~ 3385

九月，河南王乾歸遷都金城。

一百七/3385

公元 389 年(東晉孝武帝太元十四年)十一月，枹罕羌彭奚念附於乞伏乾歸，以奚念爲北河州刺史。

一百七/3390

公元 390 年(東晉孝武帝太元十五年)四月，吐谷渾視連遣使獻見於金城王乾歸，乾歸拜視連沙州牧、白蘭王。

一百七/3396

(九月)吐谷渾(王)視連卒，子視羆立。……冬，十月，金城王乾歸遣使拜視羆沙州牧、白蘭王，視羆不受。

一百七/3397 ~ 3398

(十二月)越質詰歸據平襄，叛金城王乾歸。

一百七/3398

公元 391 年(東晉孝武帝太元十六年)(正月)金城王乾歸擊越質詰歸，詰歸降，乾歸以宗女妻之。

一百七/3398

(七月)(前)秦驃騎將軍没弈干以其二子爲質於金城王乾歸，請共擊鮮卑大兜。乾歸與没弈干攻大兜於鳴蟬堡，克之。兜微服走，乾歸收其部衆而還，歸没弈干二子。没弈干尋叛，東合

劉衛辰。八月，乾歸帥騎一萬討没奔干，没奔干奔他樓城，乾歸射之，中目。 一百七/3400

十月，三河王(呂)光遣兵乘虛伐金城王乾歸，乾歸聞之，引兵還，光兵亦退。 一百七/3402

公元 392 年(東晉孝武帝太元十七年)八月，三河王(呂)光遣其弟右將軍寶等攻金城王乾歸，寶及將士死者萬餘人。 一百八/3407

(十二月)休官權千成據顯親，自稱秦州牧。 一百八/3409

公元 393 年(東晉孝武帝太元十八年)正月，權千成爲秦所逼，請降於金城王乾歸，乾歸以爲東秦州刺史、休官大都統、顯親公。 一百八/3409

(六月)金城王乾歸立其子熾磐爲太子。熾磐勇略明決，過於其父。 一百八/3410

公元 394 年(東晉孝武帝太元十九年)(六月)(前)秦主登遣其子汝陰王宗爲質於河南王乾歸以請救，進封乾歸梁王，納其妹爲梁王后。乾歸遣前軍將軍乞伏益州等帥騎一萬救之。 一百八/3415

冬，十月，(前)秦主崇爲梁王乾歸所逐，奔隴西王楊定。定留司馬邵彊守秦州，帥衆二萬與崇共攻乾歸，乾歸遣涼州牧軻彈、秦州牧益州、立義將軍詒歸帥騎三萬拒之。益州與定戰，敗於平州。軻彈、詒歸皆引退，軻彈司馬翟瑠奮劍怒曰：“主上以雄武開基，所向無敵，威振秦、蜀。將軍以宗室居元帥之任，當竭力致命以佐國家。今秦州雖敗，二軍尚全，奈何望風退劬，將何面以見主上乎？瑠雖無任，獨不能以便宜斬將軍乎？”軻彈謝曰：“向者未知衆心何如耳。果能若是，吾敢愛死？”乃帥騎進戰，益州、詒歸亦勒兵繼之，大敗定兵，殺定及崇，斬首萬七千級。乾歸於是盡有隴西之地。 一百八/3417

(十二月)梁王乾歸自稱秦王，大赦。 一百八/3418

公元 395 年(東晉孝武帝太元二十年)(正月)西秦王乾歸以太子熾磐領尚書令，左長史邊芮爲左僕射，右長史祕宜爲右僕射，置官皆如魏武、晉文故事，然猶稱大單于、大將軍。邊芮等領府佐如故。 一百八/3419

(三月)初，楊定之死也，天水姜乳襲據上邽；夏，四月，西秦王乾歸遣乞伏益州帥騎六千討之。左僕射邊芮、民部尚書王松壽曰：“益州屢勝而驕，不可專任。必以輕敵取敗。”乾歸曰：“益州驍勇，諸將莫及，當以重佐輔之耳。”乃以平北將軍韋虔爲長史，左禁將軍務和爲司馬。至大寒嶺，益州不設部伍，聽將士游畋縱飲，令曰：“敢言軍事者斬！”虔等諫不聽，乳逆擊，大破之。 一百八/3420

六月，西秦王乾歸遷於西城。 一百八/3421

秋，七月，三河王光帥衆十萬伐西秦，西秦左輔密貴周、左衛將軍莫者殺氐勸西秦王乾歸稱藩於光，以子敕勃爲質。光引兵還，乾歸悔之，殺周及殺氐。 一百八/3421

公元 396 年(東晉孝武帝太元二十一年)(正月)休官權萬世帥衆降西秦。 一百八/3425

(十月)西秦涼州牧軻彈與秦州牧益州不平，軻彈奔(後)涼。 一百八/3434

公元 397 年(東晉安帝隆安元年)正月，(後)涼王光以西秦王乾歸數反覆，舉兵伐之。乾歸群下請東奔成紀以避之，乾歸曰：“軍之勝敗，在於巧拙，不在衆寡。光兵雖衆而無法，其弟延勇而無謀，不足憚也。且其精兵盡在延所，延敗，光自走矣。”光軍於長最，遣太原公纂等帥步騎三萬攻金城；乾歸帥衆二萬救之，未至，纂等拔金城。光又遣其將梁恭等以甲卒萬餘出陽武下峽，與秦州刺史没弈干攻其東，天水公延以枹罕之衆攻臨洮、武始、河關，皆克之。乾歸使人給延云：“乾歸衆潰，奔成紀。”延欲引輕騎追之，……與乾歸遇，延戰死。

一百九/3438 ~ 3439

六月，西秦王乾歸徵河州刺史彭奚念爲鎮衛將軍；以鎮西將軍屋弘破光爲河州牧；定州刺史翟瑄爲興晉太守，鎮枹罕。

一百九/3455

(十月)(前)秦長水校尉姚珍奔西秦，西秦王乾歸以女妻之。 一百九/3460

公元 398 年(東晉安帝隆安二年)(正月)西秦王乾歸遣乞伏益州攻(後)涼支陽、鸛武、允吾三城，克之，虜萬餘人而去。

一百一十/3463 ~ 3464

(六月)楊軌自恃其衆，欲與(後)涼王光決戰，郭磨每以天道抑止之。……楊軌曰：“呂弘精兵一萬，若與光合，則姑臧益強，不可取矣。”乃與秃髮利鹿孤共邀擊(後涼太原公)纂，纂與戰，大破之；軌奔王乞基。磨性褊急殘忍，不爲士民所附，聞軌敗走，降西秦。西秦王乾歸以爲建忠將軍、散騎常侍。

一百一十/3471

(九月)西秦王乾歸遣秦州牧益州、武衛將軍慕兀、冠軍將軍翟瑄帥騎二萬伐吐谷渾。

一百一十/3481

(十月)西秦乞伏益州與吐谷渾王視羆戰於度周川，視羆大敗，走保白蘭山，遣子宕豈爲質於西秦以請和，西秦王乾歸以宗女妻之。

一百一十/3483

公元 399 年(東晉安帝隆安三年)夏，四月，鮮卑疊掘河內帥戶五千降於西秦。西秦王乾歸以河內爲疊掘都統，以宗女妻之。

一百一十一/3491

(七月)西秦丞相南川宣公出連乞都卒。

一百一十一/3493

(十月)西秦以金城太守辛靜爲右丞相。

一百一十一/3499

公元 400 年(東晉安帝隆安四年)(正月)西秦王乾歸遷都苑川。

一百一十一/3507

(五月)(後)秦征西大將軍隴西公碩德將兵五千伐西秦,入自南安峽。西秦王乾歸帥諸將拒之,軍於隴西。

一百一十一/3511

(七月)西秦王乾歸使武衛將軍慕兀等屯守,秦軍樵采路絕,秦王興潛引兵救之。乾歸聞之,使慕兀帥中軍二萬屯柏楊,鎮軍將軍羅敦帥外軍四萬屯侯辰谷,乾歸自將輕騎數千前候秦兵。會大風昏霧,與中軍相失,爲追騎所逼,入於外軍。旦,與秦戰,大敗,走歸苑川,其部衆三萬六千皆降於秦。興進軍枹罕。

一百一十一/3512

乾歸奔金城,謂諸豪帥曰:“吾不才,叨竊名號,已踰一紀,今敗散如此,無以待敵,欲西保允吾。若舉國而去,必不得免;卿等留此,各以其衆降秦。以全宗族,勿吾隨也。”皆曰:“死生願從陛下。”乾歸曰:“吾今將寄食於人,若天未亡我,庶幾異日克復舊業,復與卿等相見。今相隨而死,無益也。”乃大哭而別。乾歸獨引數百騎奔允吾,乞降於武威王利鹿孤,利鹿孤遣廣武公僂檀迎之。置於晉興,待以上賓之禮。

一百一十一/3512 ~ 3513

(後)秦兵既退,南羌梁戈等密招乾歸,乾歸將應之。其臣屋引阿洛以告晉興太守陰暢,暢馳白利鹿孤,利鹿孤遣其弟吐雷帥騎三千屯捫天嶺。乾歸懼爲利鹿孤所殺,謂其太子熾盤曰:“吾父子居此,必不爲利鹿孤所容。今姚氏方強,吾將歸之,若盡室俱行,必爲追騎所及,吾以汝兄弟及汝母爲質,彼必不疑,吾在長安,彼終不敢害汝也。”乃送熾盤等於西平。八月,乾歸南奔枹罕,遂降於(後)秦。

一百一十一/3513

(十一月)(西秦鮮卑)乞伏乾歸至長安,(後)秦王興以爲都督河南諸軍事、河州刺史、歸義侯。

一百一十一/3514

久之,乞伏熾盤欲逃詣乾歸,(南涼)武威王利鹿孤追獲之。利鹿孤將殺熾盤,廣武公僂檀曰:“子而歸父,無足深責,宜宥之以示大度。”利鹿孤從之。

一百一十一/3514

公元 401 年(東晉安帝隆安五年)(二月)(後)秦王興使乞伏乾歸還鎮苑川,盡以其故部衆配之。

一百一十二/3518

(四月)(西秦)乞伏乾歸至苑川,以邊芮爲長史,王松壽爲司馬,公卿、將帥皆降爲僚佐偏裨。

一百一十二/3521

公元 402 年(東晉安帝元興元年)(四月)(西秦)乞伏熾磐自西平逃歸苑川,南涼王僂檀歸

其妻子。(西秦王)乞伏乾歸使熾磐入朝於(後)秦,(後)秦主興以熾磐爲興晉太守。

一百一十二/3542

公元404年(東晉安帝元興三年)(九月)乞伏乾歸及(仇池王)楊盛戰於竹嶺,爲盛所敗。

一百一十三/3574

公元405年(東晉安帝義熙元年)(正月)乞伏乾歸擊吐谷渾大孩,大破之,俘萬餘口而還,大孩走死胡園。

一百一十四/3580

(八月)(西秦)乞伏乾歸伐仇池,爲楊盛所敗。

一百一十四/3587

公元406年(東晉安帝義熙二年)十一月,(西秦)乞伏乾歸入朝於(後)秦。

一百一十四/3594

公元407年(東晉安帝義熙三年)正月,(後)秦王興以乞伏乾歸寢強難制,留爲主客尚書,以其世子熾磐行西夷校尉,監其部衆。

一百一十四/3594

公元408年(東晉安帝義熙四年)乞伏熾磐以(後)秦政浸衰,且畏秦之攻襲,冬,十月,招結諸部二萬餘人築城於嶺岷山而據之。

一百一十四/3609

十二月,乞伏熾磐攻彭奚念於枹罕,爲奚念所敗而還。

一百一十四/3610

公元409年(東晉安帝義熙五年)(二月)乞伏熾磐入見秦太原公懿於上邽,彭奚念乘虛伐之。熾磐聞之,怒,不告懿而歸,擊奚念,破之,遂圍枹罕。乞伏乾歸從秦王興如平涼;熾磐克枹罕,遣人告乾歸,乾歸逃還苑川。

一百一十五/3613

夏,四月,乞伏乾歸如枹罕,留世子熾磐鎮之,收其衆得二萬,徙都度堅山。

一百一十五/3614

(七月)乞伏乾歸復即秦王位,大赦,改元更始,公卿以下皆復本位。

一百一十五/3619

(十月)西秦王乾歸立夫人邊氏爲皇后,世子熾磐爲太子,仍命熾磐都督中外諸軍、錄尚書事。以屋引破光爲河州刺史,鎮枹罕;以南安焦遺爲太子太師,與參軍國大謀。乾歸曰:“焦生非特名儒,乃王佐之才也。”謂熾磐曰:“汝事之當如事吾。”熾磐拜遺於床下。遺子華至孝,乾歸欲以女妻之。辭曰:“凡娶妻者,欲與之共事二親也。今以王姬之貴,下嫁蓬茅之士,誠非其匹,臣懼其闕於中饋,非所願也。”乾歸曰:“卿之所行,古人之事,孤女不足以強卿。”乃以爲尚書民部郎。

一百一十五/3620 ~ 3621

公元410年(東晉安帝義熙六年)三月,西秦王乾歸攻(後)秦金城郡,拔之。

一百一十五/3629

西秦王乾歸討越質屈機等十餘部,降其衆二萬五千,徙於苑川。八月,乾歸復都苑川。

一百一十五/3636

(九月)西秦王乾歸攻秦略陽、南安、隴西諸郡,皆克之,徙民二萬五千戶於苑川及枹罕。

一百一十五/3639

(十月)鮮卑僕渾、羌句豈、輸報、鄧若等師戶二萬降於西秦。

一百一十五/3639

公元411年(東晉安帝義熙七年)(正月)(後秦王興)以太常索稜爲太尉、領隴西內史,使招撫西秦。西秦王乾歸遣使送所掠守宰,謝罪請降。興遣鴻臚拜乾歸都督隴西、嶺北、匈奴、雜胡諸軍事、征西大將軍、河州牧、單于、河南王,太子熾磐爲鎮西將軍、左賢王、平昌公。

一百一十六/3643

二月,河南王乾歸徙鮮卑僕渾部三千餘戶於度堅城,以子敕勃爲秦興太守以鎮之。

一百一十六/3643

三月,河南王乾歸徙羌句豈等部衆五千餘戶於疊蘭城,以兄子阿柴爲興國太守以鎮之。五月,復以子木弈干爲武威太守,鎮嶸嶺城。

一百一十六/3646

七月,河南王乾歸遣平昌公熾磐及中軍將軍審虔伐南涼。審虔,乾歸之子也。八月,熾磐兵濟河,南涼王傉檀遣太子虎臺逆戰於嶺南。南涼兵敗,虜牛馬十餘萬而還。

一百一十六/3647

河南王乾歸攻秦略陽太守姚龍於柏陽堡,克之。冬十一月,進攻南平太守王憬於水洛城,又克之,徙民三千餘戶於譚郊。遣乞伏審虔帥衆二萬城譚郊。十二月,西羌彭利髮襲據枹罕,自稱大將軍、河州牧,乾歸討之,不克。

一百一十六/3648

公元412年(東晉安帝義熙八年)春,正月,河南王乾歸復討彭利髮,至奴葵谷。利髮棄衆南走,乾歸遣振威將軍乞伏公府追至清水,斬之,收羌戶一萬三千,以乞伏審虔爲河州刺史鎮枹罕而還。

一百一十六/3648

二月,河南王乾歸徙都譚郊,命平昌公熾磐鎮苑川。乾歸擊吐谷渾阿若干於赤水,降之。

一百一十六/3648

(四月)乞伏熾磐攻南涼三河太守吳陰於白土,克之,以乞伏出累代之。

一百一十六/3650

六月，乞伏公府弑河南王乾歸，并殺其諸子十餘人，走保大夏。平冒公熾磐遣其弟廣武將軍智達、揚武將軍木奔干帥騎三千討之；以其弟曇達爲鎮京將軍，鎮譚郊，驍騎將軍婁機鎮苑川。熾磐帥文武及民二萬餘戶遷於枹罕。

一百一十六/3650

秦人多勸（後）秦王興乘亂取熾磐，興曰：“伐人喪，非禮也。”夏王勃勃欲攻熾磐，軍師中郎將王買德諫曰：“熾磐，吾之與國，今遭喪亂，吾不能恤，又恃衆力而伐之，匹夫且猶耻爲，況萬乘乎！”勃勃乃止。

一百一十六/3650

（七月）乞伏智達等擊破乞伏公府於大夏。公府奔疊蘭城，就其弟阿柴。智達等攻拔之，斬阿柴父子五人。公府奔嶮嶺南山，追獲之，并其四子，輶之於譚郊。

一百一十六/3651

八月，乞伏熾磐自稱大將軍、河南王，大赦，改元永康；葬乾歸於枹罕，謚曰武元，廟號高祖。

一百一十六/3651

九月，河南王熾磐以尚書令武始翟勔爲相國，侍中、太子詹事趙景爲御史大夫；罷尚書令、僕、尚書六卿、侍中等官。

一百一十六/3651

公元413年（東晉安帝義熙九年）（三月）河南王熾磐遣鎮東將軍曇達、平東將軍王松壽將兵東擊休官權小郎、呂破胡於白石川，大破之，虜其男女萬餘口，進據白石城。顯親休官權小成、呂奴迦等二萬餘戶據白阮不服，曇達攻斬之，隴右休官悉降。秦太尉索稜以隴西降熾磐，熾磐以稜爲太傅。

一百一十六/3658

（四月）河南王熾磐遣安北將軍烏地延、冠軍將軍翟紹擊吐谷渾別統句旁於泣勤川，大破之。

一百一十六/3659

（六月）河南王熾磐擊吐谷渾支旁於長柳川，虜旁及其民五千餘戶而還。

一百一十六/3661

九月，河南王熾磐擊吐谷渾別統掘達於渴渾川，大破之，虜男女二萬三千。冬，十月，掘達帥其餘衆降於熾磐。

一百一十六/3662 ~ 3663

公元414年（東晉安帝義熙十年）（五月）河南王熾磐聞之，欲襲（南涼）樂都。群臣咸以爲不可。太府主簿焦襲曰：“（南涼）僭擅不顧近患而貪遠利，我今伐之，絕其西路，使不得還救。則（僭擅子）虎臺獨守窮城，可坐禽也。此天亡之時，必不可失。”熾磐從之，帥步騎二萬襲樂都。虎臺憑城拒守，熾磐四面攻之。

一百一十六/3666 ~ 3667

一夕，城潰，熾磐入樂都，遣平遠將軍捷度帥騎五千追僭擅，以鎮南將軍謙屯爲都督河右諸軍事、涼州刺史，鎮樂都；禿髮赴單爲西平太守，鎮西平；以趙恢爲廣武太守，鎮廣武；曜武將軍

王基爲晉興太守，鎮浩亶；徙虎臺及其文武百姓萬餘戶於枹罕。赴單，烏孤之子也。

一百一十六/3667

六月，僭檀諸城皆降於熾磐，獨尉賢政屯浩亶，固守不下。熾磐遣人謂之曰：“樂都已潰，卿妻子皆在吾所，獨守一城，將何爲也？”賢政曰：“受涼王厚恩，爲國藩屏。雖知樂都已陷，妻子爲禽；先歸獲賞，後順受誅。然不知主上存亡，未敢歸命；妻子小事，豈足動心！若貪一時之利，忘委付之重者，大王亦安用之！”熾磐乃遣虎臺以手書諭之，賢政曰：“汝爲儲副，不能盡節，面縛於人，棄父忘君，墮萬世之業。賢政義士，豈效汝乎！”聞僭檀至左南，乃降。

一百一十六/3670

熾磐聞僭檀至，遣使郊迎，待以上賓之禮。秋，七月，熾磐以僭檀爲驃騎大將軍，賜爵左南公。南涼文武，依才銓叙。歲餘，熾磐使人鳩僭檀；左右請解之，僭檀曰：“吾病豈宜療邪！”遂死，謚曰景王。虎臺亦爲熾磐所殺。

一百一十六/3670

冬，十月，河南王熾磐復稱秦王，置百官。

一百一十六/3671

（十一月）西秦王熾磐立妃禿髮氏爲后。

一百一十六/3672

公元415年（東晉安帝義熙十一年）（四月）西秦王熾磐子元基自長安逃歸，熾磐以爲尚書左僕射。

一百一十七/3677

（五月）西秦王熾磐帥衆三萬襲湟河，（北涼）沮渠漢平拒之，遣司馬隗仁夜出擊熾磐，破之。熾磐將引去，漢平長史焦昶、將軍段景潛召熾磐，熾磐復攻之，昶、景因說漢平出降。仁勒壯士百餘據南門樓，三日不下，力屈，爲熾磐所禽。熾磐欲斬之，散騎常侍武威段暉諫曰：“仁臨難不畏死，忠臣也，宜宥之以厲事君。”乃囚之。熾磐以左衛將軍匹達爲湟河太守，擊乙弗窟乾，降其三千餘戶而歸。以尚書右僕射出連虔爲都督嶺北諸軍事、涼州刺史；以涼州刺史謙屯爲鎮軍大將軍、河州牧。隗仁在西秦五年，段暉又爲之請，熾磐免之，使還姑臧。

一百一十七/3679

（五月）西秦王熾磐以秦州刺史曇達爲尚書令，光祿勳王松壽爲秦州刺史。

一百一十七/3679

（十一月）西秦王熾磐遣襄武侯曇達等將騎一萬，擊南羌彌姐、康薄於赤水，降之；以王孟保爲略陽太守，鎮赤水。

一百一十七/3683

公元416年（東晉安帝義熙十二年）（正月）西秦王熾磐攻秦洮陽公彭利和於湟川，沮渠蒙遜攻石泉以救之。熾磐至沓中，引還。二月，熾磐遣襄武侯曇達救石泉，蒙遜亦引去。蒙遜遂與熾磐結和親。

一百一十七/3684

四月，西秦襄武侯曇達等擊秦秦州刺史姚艾於上邽，破之，徙其民五千餘戶於枹罕。

一百一十七/3686

十月，西秦王熾磐使秦州刺史王松壽鎮馬頭，以逼秦之上邽。

一百一十七/3695

十二月，西秦王熾磐遣使詣（晉）太尉（劉）裕，求擊（後）秦以自効。裕拜熾磐平西將軍、河南公。

一百一十七/3695

公元417年（東晉安帝義熙十三年）二月，西秦安東將軍木弈干擊吐谷渾樹洛干，破其弟阿柴於堯杆川，俘五千餘口而還。

一百一十八/3699

（七月）西秦相國翟勍卒；八月，以尚書令曇達爲左丞相，右僕射元基爲右丞相，御史大夫鞠景爲尚書令，侍中翟紹爲左僕射。

一百一十八/3707

（十月）西秦王熾磐遣左丞相曇達等擊秦故將姚艾，艾遣使稱藩，熾磐以艾爲征東大將軍、秦州牧。徵王松壽爲尚書左僕射。

一百一十八/3712

公元418年（東晉安帝義熙十四年）（正月）（西）秦王熾磐以乞伏木弈干爲沙州刺史，鎮樂都。

一百一十八/3717

二月，乙弗烏地延帥戶二萬降（西）秦。

一百一十八/3717

十月，姚艾叛秦，降河西王蒙遜，蒙遜引兵迎之。艾叔父僞言於衆曰：“秦王寬仁有雅度，自可安居事之，何爲從河西王西遷！”衆咸以爲然，乃相與逐艾，推僞爲主，復歸於秦。秦王熾磐征僞爲侍中、中書監、征南將軍，賜爵隴西公，以左丞相曇達爲都督洮、罕以東諸軍事、征東大將軍、秦州牧，鎮安南。

一百一十八/3719 ~ 3720

西秦王熾磐東巡；十二月，徙上邽民五千餘戶於枹罕。

一百一十八/3723

公元419年（東晉恭帝元熙元年）夏，四月，（西）秦征西將軍孔子帥騎五千討吐谷渾覓地於弱水南，大破之，覓地帥其衆六千降於秦。

一百一十八/3727

九月，（西）秦左衛將軍匹達等將兵討彭利和於湟川，大破之，利和單騎奔仇池；獲其妻子，徙羌豪三千戶於枹罕，湟川羌三萬餘戶皆安堵如故。冬，十月，以尚書右僕射王松壽爲益州刺史，鎮湟川。

一百一十八/3730

公元420年（宋武帝永初元年）（正月）（西）秦王熾磐立其子乞伏暮末爲太子，仍領撫軍大將軍、都督中外諸軍事，大赦，改元建弘。

一百一十九/3732

(七月)甲辰,(晋)詔以……(西)秦王熾磐爲安西大將軍。 一百一十九/3736

九月,(西)秦振武將軍王基等襲河西王蒙遜胡園戍,俘二千餘人而還。 一百一十九/3738

公元 421 年(宋武帝永初二年)(正月)(西)秦王熾磐遣征北將軍木弈干、輔國將軍元基攻上邽,遇霖雨而還。 一百一十九/3739

(四月)吐谷渾王阿柴遣使降(西)秦,(西)秦王熾磐以阿柴爲征西大將軍、開府儀同三司、安州牧、白蘭王。 一百一十九/3740

(七月)(北凉)河西王蒙遜遣右衛將軍沮渠鄯善、建節將軍沮渠苟生帥衆七千伐(西)秦。(西)秦王熾磐遣征北將軍木弈干等帥步騎五千拒之,敗鄯善等於五澗,虜苟生,斬首二千而還。 一百一十九/3740

(十二月)(西)秦王熾磐遣征西將軍孔子等帥騎二萬擊契汗禿真於羅川。 一百一十九/3741

公元 422 年(宋武帝永初三年)(正月)(西)秦征西將軍孔子等大破契汗禿真,獲男女二萬口,牛羊五十餘萬頭。禿真帥騎數千西走,其別部樹奚帥戶五千降(西)秦。 一百一十九/3742

(四月)(西)秦王熾磐以折衝將軍乞伏是辰爲西胡校尉。築列渾城於汁羅以鎮之。 一百一十九/3744

(七月)(北凉)河西王蒙遜遣前將軍沮渠成都帥衆一萬,耀兵嶺南,遂屯五澗。九月,(西)秦王熾磐遣征北將軍出連虔等騎帥六千擊之。 一百一十九/3747

(十月)(西)秦出連虔與河西沮渠成都戰,禽之。 一百一十九/3750

(十二月)秦王熾磐徵秦州牧曇達爲左丞相、征東大將軍。 一百一十九/3751

公元 423 年(宋少帝景平元年)(四月)(西)秦王熾磐謂其群臣曰:“今宋雖奄有江南,夏人雄據關中,皆不足與也。獨魏主奕世英武,賢能爲用,且讖云‘恒代之北當有真人’,吾將舉國而事之。”乃遣尚書郎漢者阿胡等人見於魏,貢黃金二百斤,并陳伐夏方略。 一百一十九/3757

(十月)(南凉)禿髮傉檀之死也,(北凉)河西王蒙遜遣人誘其故太子虎臺,許以番禾、西安二郡處之,且借之兵,使伐秦,報其父讎,復取故地。虎臺陰許之,事泄而止。秦王熾磐之后,虎臺之妹也,熾磐待之如初。后密與虎臺謀曰:“秦本我之仇讎,雖以婚姻待之,蓋時宜耳。先王之薨,又非天命。遺令不治者,欲全濟子孫故也。爲人子者,豈可臣妾於仇讎而不思報復

乎!”乃與武衛將軍越質洛城謀弑熾磐。后妹爲熾磐左夫人,有寵,知其謀而告之,熾磐殺后及虎臺等十餘人。 一百一十九/3760

公元424年(宋文帝元嘉元年)(四月)(西)秦王熾磐遣鎮南將軍吉毗等帥步騎一萬,南伐白苟、車孚、崔提、旁爲四國,皆降之。 一百二十/3766

(七月)(西)秦王熾磐遣太子暮末帥征北將軍木弈干等步騎三萬出貂渠谷,攻河西白草嶺、臨松郡,皆破之,徙民二萬餘口而還。 一百二十/3771

公元425年(宋文帝元嘉二年)夏,四月,(西)秦王熾磐遣平遠將軍叱盧犍等,襲(北涼)河西鎮南將軍沮渠白蹄於臨松,擒之,徙其民五千餘戶於枹罕。 一百二十/3776

秋,七月,(西)秦王熾磐遣鎮南將軍吉毗等南擊黑水羌酋丘擔,大破之。 一百二十/3776

冬,十月,丘擔以其衆降(西)秦,(西)秦以擔爲歸善將軍;拜折衝將軍乞伏信帝爲平羌校尉以鎮之。 一百二十/3777

公元426年(宋文帝元嘉三年)(正月)(西)秦王熾磐復遣使如魏,請用師於夏。

一百二十/3781

(八月)(西)秦王熾磐伐河西,至廉川,遣太子暮末等步騎三萬攻西安,不克,又攻番禾。河西王蒙遜發兵御之,且遣使說夏主,使乘虛襲枹罕。夏主遣征南大將軍呼盧古將騎二萬攻苑川,車騎大將軍韋伐將騎三萬攻南安。熾磐聞之,引歸。九月,徙其境內老弱、畜產於澆河及莫河仍寒川,留左丞相曇達守枹罕。韋伐攻拔南安,獲秦秦州刺史翟爽、南安太守李亮。

一百二十/3787

(九月)吐谷渾握達等帥部衆二萬餘落叛秦,奔昂川,附於吐谷渾王慕璜。 一百二十/3787

(十月)(西)秦左丞相曇達與夏呼盧古戰於嶮嶺山,曇達兵敗。十一月,呼盧古、韋伐進攻枹罕。(西)秦王熾磐遷保定連。呼盧古入南城,鎮京將軍趙壽生帥死士三百人力戰却之。呼盧古、韋伐又攻沙州刺史出連虔於湟河,虔遣後將軍乞伏萬年擊敗之。又攻西平,執安西將軍庫洛干,阬戰士五千餘人,掠民二萬餘戶而去。 一百二十/3788 ~ 3789

十二月,(西)秦征南將軍吉毗鎮南疆,隴西人辛澹帥戶三千據城逐毗,毗走還枹罕,澹南奔仇池。 一百二十/3790

公元427年(宋文帝元嘉四年)山羌叛(西)秦。二月,(西)秦王熾磐遣左丞相曇達招慰武始諸羌,征南將軍吉毗招慰洮陽諸羌。羌人執曇達送夏;吉毗爲羌所擊,奔還,士馬死傷者什八九。 一百二十/3791

(三月)(西)秦王熾磐以輔國將軍段暉爲涼州刺史，鎮樂都；平西將軍魏景爲沙州刺史，鎮西平；寧朔將軍出連輔政爲梁州刺史，鎮赤水。 一百二十/3792

(六月)(西)秦王熾磐還枹罕。 一百二十/3796

七月，(西)秦王熾磐謂群臣曰：“孤知赫連氏必無成，冒險歸魏，今果如孤言。”八月，遣其叔父平遠將軍渥頭等入貢於魏。 一百二十/3796

九月，(仇池)氏王楊玄遣將軍苻白作圍(西)秦梁州刺史出連輔政於赤水。城中糧盡，民執輔政以降。輔政至駱谷，逃還。冬，十月，(西)秦以驍騎將軍吳漢爲平南將軍、梁州刺史，鎮南澗。 一百二十/3797

十二月，秦梁州刺史吳漢爲群羌所攻，帥戶二千還於枹罕。 一百二十/3797

公元428年(宋文帝元嘉五年)正月，(西)秦商州刺史領澆河太守姚濬叛，降(北涼)河西，(西)秦王熾磐以尚書焦嵩代濬，帥騎三千討之。二月，嵩爲吐谷渾元緒所執。 一百二十一/3798

五月，(西)秦文昭王熾磐卒，太子暮末即位，大赦，改元永弘。 一百二十一/3801

(六月)葬(西)秦文昭王於武平陵，廟號太祖。(西)秦王暮末以右丞相元基爲侍中、相國、都督中外諸軍、錄尚書事，以鎮軍大將軍、河州牧謙屯爲驃騎大將軍，征安北將軍、涼州刺史段暉爲輔國大將軍、御史大夫，叔父右禁將軍千年爲鎮北將軍、涼州牧，鎮湟河，以征北將軍木弈干爲尚書令、車騎大將軍，以征南將軍吉毗爲尚書僕射、衛大將軍。 一百二十一/3801

(北涼)河西王蒙遜因秦喪，伐秦西平。西平太守魏承謂之曰：“殿下若先取樂都，則西平必爲殿下之有。西平苟望風請服，亦明主之所疾也。”蒙遜乃釋西平，攻樂都。相國元基帥騎三千救樂都，甫入城，而河西兵至，攻其外城，克之；絕其水道，城中飢渴，死者太半。東羌乞提從元基救樂都，陰與河西通謀，下繩引內其兵，登城者百餘人，鼓譟燒門；元基帥左右奮擊，河西兵乃退。 一百二十一/3801~3802

初，文昭王疾病，謂暮末曰：“吾死之後，汝能保境則善矣。沮渠成都爲蒙遜所親重，汝宜歸之。”至是，暮末遣使詣蒙遜，許歸成都以求和。蒙遜引兵還，遣使入秦弔祭。暮末厚資送成都，遣將軍王伐送之。蒙遜猶疑之，使恢武將軍沮渠奇珍伏兵於捫天嶺，執伐并其騎士三百人以歸。既而遣尚書郎王杼送伐還秦，并遣暮末馬千匹及錦罽銀繒。秋，七月，暮末遣記室郎中馬艾如河西報聘。 一百二十一/3802

(十月)(西)秦涼州牧乞伏千年，嗜酒殘虐，不恤政事，(西)秦王暮末遣使讓之，千年懼，

奔河西。暮末以叔父光祿大夫沃陵爲涼州牧，鎮湟河。

一百二十一/3803

(十一月)(北涼)河西王蒙遜伐(西)秦，至磐夷，(西)秦相國元基等將騎萬五千拒之。蒙遜還攻西平，征虜將軍出連輔政等將騎二千救之。

一百二十一/3803

公元429年(宋文帝元嘉六年)(正月)(西)秦出連輔政等未至西平，河西王蒙遜拔西平，執太守鞠承。

一百二十一/3806

(二月)(西)秦王暮末立妃梁氏爲王后，子萬載爲太子。

一百二十一/3806

初，(西)秦尚書隴西辛進從文昭王游陵霄觀，彈飛鳥，誤中秦王暮末之母，傷其面。及暮末即位，問母面傷之由，母以狀告。暮末怒，殺進，并其五族二十七人。

一百二十一/3807

五月，(北涼)河西王蒙遜伐(西)秦，(西)秦王暮末留相國元基守枹罕，遷保定連。

一百二十一/3810

(西秦)南安太守翟承伯等據罕开谷以應河西，暮末擊破之，進至治城。

一百二十一/3810

(西秦)西安太守莫者幼眷據汧川以叛，暮末討之，爲幼眷所敗，還於定連。

一百二十一/3811

(北涼)蒙遜至枹罕，遣世子興國進攻定連。六月，暮末逆擊興國於治城，擒之，追擊蒙遜至譚郊。

一百二十一/3811

(六月)吐谷渾王慕璜遣其弟沒利延，將騎五千會蒙遜伐秦，暮末遣輔國大將軍段暉等邀擊，大破之。

一百二十一/3811

(七月)河西王蒙遜遣使送谷三十萬斛以贖世子興國於秦，秦王暮末不許。蒙遜乃立興國母弟菩提爲世子。暮末以興國爲散騎常侍，以其妹平昌公主妻之。

一百二十一/3812

(十月)(西)秦王暮末之弟軻殊羅烝於文昭王左夫人禿髮氏，暮末知而禁之。軻殊羅懼，與叔父什寅謀殺暮末，奉沮渠興國以奔河西。使禿髮氏盜門鑰，鑰誤，門者以告暮末。暮末悉收其黨殺之，而赦軻殊羅。執什寅，鞭之，什寅曰：“我負汝死，不負汝鞭！”暮末怒，剖其腹，投屍於河。

一百二十一/3813

公元430年(宋文帝元嘉七年)(三月)秦乞伏什寅母弟前將軍白養、鎮衛將軍去列，以什寅之死，有怨言，秦王暮末皆殺之。

一百二十一/3817

六月，吐谷渾王慕瑱將其衆萬八千襲秦定連，(西)秦輔國大將軍段暉等擊走之。

一百二十一/3818

(西)秦自正月不雨，至於九月，民流叛者甚衆。

一百二十一/3821

(十月)(西)秦王暮末爲河西所逼，遣其臣王愷、烏訥闐請迎於魏，魏人許以平涼、安定封之。暮末乃焚城邑，毀寶器，帥戶萬五千，東如上邽。至高田谷，給事黃門侍郎郭恒謀劫沮渠興國以叛，事覺，暮末殺之。夏主聞暮末將至，發兵拒之。暮末留保南安，其故地皆入於吐谷渾。

一百二十一/3822

(十一月)魏尚書庫結帥騎五千迎秦王暮末。秦衛將軍吉毗以爲不宜內徙，暮末從之，庫結引還。

一百二十一/3825

南安諸羌萬餘人叛秦，推安南將軍、督八郡諸軍事、廣寧太守焦遺爲主，遺不從，乃劫遺族子長城護軍亮爲主，帥衆攻南安。暮末請救於氏王楊難當，難當遣將軍苻獻帥騎三千救之，暮末與之合擊諸羌。諸羌潰，亮奔還廣寧，暮末進軍攻之，以手令與焦遺使取亮；十二月，遺斬亮首出降，暮末進遣號鎮國將軍。秦略陽太守弘農楊顯以郡降夏。

一百二十一/3825

公元431年(宋文帝元嘉八年)(正月)夏主擊(西)秦將姚獻，敗之；遂遣其叔父北平公韋伐帥衆一萬攻南安。城中大饑，人相食。(西)秦侍中、征虜將軍出連輔政，侍中、右衛將軍乞伏延祚，吏部尚書乞伏跋跋，踰城奔夏；(西)秦王暮末窮蹙，輿輓出降，并沮渠興國送於上邽。(西)秦太子司直焦楷奔廣寧，泣謂其父遺曰：“大人荷國寵靈，居藩鎮重任。今本朝顛覆，豈得不率見衆唱大義以殄寇讎！”遺曰：“今主上已陷賊庭，吾非愛死而忘義，顧以大兵追之，是趣絕其命也。不如擇王族之賢者，奉以爲主而伐之，庶有濟也。”楷乃築壇誓衆，二旬之間，赴者萬餘人。會遺病卒，楷不能獨舉事，亡奔(北涼)河西。

一百二十二/3828

(六月)夏主殺乞伏暮末及其宗族五百人。

一百二十二/3832